

永樂大典卷之五千二百五十一 十三蕭

遼

天祚 九五 年譜

天祚皇帝

遼史天祚皇帝諱延禧字延寧小字阿果道宗之孫父順宗大孝順聖皇帝母貞順皇后蕭氏大康元年

生六歲封梁王加守太尉兼中書令後三年進封燕國王大安七年總北
南院樞密使事加尚書令為天下兵馬大元帥壽隆七年正月甲戌道宗
崩奉遺詔即皇帝位于柩前群臣上尊號曰天祚皇帝二月壬辰朔改元
乾統大赦詔為耶律乙辛所誣陷者復其官爵籍沒者出之流放者還之
乙未遣使告哀于宋及西夏高麗乙巳以北府宰相蕭兀納為遼興軍節
度使加守太傅三月丁卯詔有司以張孝傑家屬分賜群臣甲戌召僧法
順放戒于內庭夏四月辛卯六月庚寅朔如慶州甲午宋遣王潛等來弔祭
丙申高麗夏國各遣使慰奠其戌以南府宰相幹特剌兼南院樞密使度
子追謚懿德皇后為宣懿皇后壬寅以宋魏國王和魯幹為天下兵馬大
元帥乙巳以北平郡王溥進封郡王丁未北院樞密使耶律阿思加于婚

辛亥。葬仁聖大孝文皇帝。宣懿皇后于慶陵。秋七月癸亥。阻卜鐵驪來貢。八月甲寅。謁慶陵。九月壬申。謁懷陵。乙亥。駐蹕蕭縣。冬十月壬辰。謁乾陵。甲辰。上皇考昭懷太子諡曰大孝順聖皇帝。廟號順宗。皇妣曰貞順皇后。十二月戊子。以樞密副使張琳知樞密院事。翰林學士張奉珪。參知政事。兼同知樞密院事。癸巳。宋遣黃實來賀即位。丁酉。高麗。夏國。並遣使來賀。乙巳。詔先朝已行事。不得陳告。初以楊劉為生女直部節度使。其俗呼為太師。是歲楊劉死。傳于兄之子烏雅來東死。其弟阿骨打襲。二年春正月。如鴨子河。二月辛卯。如秦州。三月大寒。冰復合。夏四月辛亥。詔誅乙辛黨。徙其子孫于邊。癸巳。辛得里特之墓。剖棺戮屍。以其家屬分賜被殺之家。五月乙丑。韓特剌獻耶觀剌等部捷。六月壬辰。以雨罷獵。駐蹕散水原。丙午。夏國王李乾順。復遣使請南公主。丁未。南院大王陳家奴致仕。壬子。李乾順為宋所攻。遣李遠。福。田若水。求援。閏月庚申。策賢良。壬申。降惠妃為庶人。秋七月。獵黑嶺。以霖雨。給獵人馬。阻卜來侵。韓特剌等戰敗之。冬十月乙卯。蕭海里叛。劫乾州武庫器甲。命北面林牙郝家奴捕之。蕭海里亡。亡入陪木水阿典部。丙寅。以南府宰相耶律韓特剌為北院樞密使。參知政事。李溫舒知南院樞密使事。十一月乙未。郝家奴以不獲蕭海里。免官。

壬寅。以上京留守耶律慎思為北院樞密副使。有司請以帝生日為天興節。三年春正月辛巳朔。如混同江。女直函蕭海里首遣使來獻。戊申如春州。二月庚午。以武清縣大水。弛其陂澤之禁。夏五月戊子。以獵人多亡。嚴立科禁。乙巳。清者亦勒嶺內午。謁慶陵。六月辛酉。夏國王李乾順復遣使請尚公主。秋七月。中京雨雹傷稼。冬十月甲辰。如中京。已未。吐蕃遣使來貢。庚申。夏國復遣使來援。已巳。有事于觀德殿。十一月丙申。文武百官加上尊號。曰惠文智武聖孝天祚皇帝。大赦。以宋魏國王和魯幹為皇太叔。梁王捷魯進封燕國王。鄭王導為東京留守。進封越國王。百官各進一階。丁酉。以楊隱耶律何魯瑋古為南院大王。戊戌。以受尊號告廟。己巳。謁太祖廟。追尊太祖之高祖曰昭烈皇帝。廟號肅祖。她曰昭烈皇后。曾祖曰莊教皇帝。廟號懿祖。她曰莊教皇后。召監修國史耶律儼纂太祖諸帝實錄。十二月戊申。如摘綠政。是年放進士馬恭回等百三人。四年春正月戊子。幸魚兒濼。壬寅。獵水嶺。癸卯。燕國王捷魯薨。二月丁丑。鼻骨德遣使來貢。夏六月甲辰。駐蹕旺國崖。甲寅。夏國遣李造福。田若水來援。癸亥。吐蕃遣使來貢。秋七月。南京蝗。庚辰。獵南山。癸未。以西北路招討使蕭得里底。北院樞密副使耶律慎思並知北院樞密使事。辛卯。以同知南院樞密

使事蕭敵里爲西北路招討使。冬十月己酉。鳳凰見于郭陰。己未。幸南京。
十一月乙亥。御迎月樓。賜貧民錢。十二月辛丑。以張琳爲南府宰相。五
年春。正月乙亥。夏國遣李造福等來求援。且乞伐宋。庚寅。以遼興軍節度
使蕭常哥爲北府宰相。丁酉。遣樞密直學士高瑞體等。誠宋罷伐夏兵。二
月癸卯。微行視民疾苦。丙午。幸驚。爲遼三月壬申。以族女南仙封成安公
主。下嫁夏國王李乾順。夏四月甲申。射虎炭山。五月癸卯。清暑南崖。壬子。
宋遣曾孝廣主戰。報勝。六月甲戌。夏國遣使來謝。及貢方物。己丑。幸候里
吉。秋七月。謁慶陵。九月辛亥。駐蹕藕絲波。乙卯。謁乾陵。冬十一月戊戌。禁
商賈之家。應進士舉。丙辰。高麗三韓國公王顯覺子保遣使來告。十二月
己巳。夏國復遣李造福。田若木。求援。癸酉。宋遣林洙來議。與夏約和。六
年春。正月辛丑。遣知北院樞密使蕭得里底。知南院樞密使事。牛溫舒使
宋。諷歸所侵夏地。夏五月。清暑散水原。六月辛巳。夏國遣李造福等來謝。
秋七月癸巳。阻卜來貢。甲午。如黑嶺。庚子。獵鹿角山。冬十月乙亥。宋與夏
通好。遣劉正符。曹穆來告。庚辰。以皇太叔南京留守和魯幹兼陽德。東京
留守越國王淳。爲南府宰相。十一月乙未。以謝家奴爲南院大王。馬奴爲
奚六部大王。丙申。行柴丹禮。戊戌。大赦。以和魯幹爲義和仁聖皇太叔。越

國王淳。進封魏國王。封皇子牧盧幹。為晉王。習泥烈。為饒樂郡王。己亥。謁太祖廟。甲辰。祠木葉山。十二月己巳。封耶律儼為漆水郡王。餘官進爵有差。七年。春正月。鈞魚于鴨子河。二月。駐蹕大魚濼。夏六月。次散水原。秋七月。如黑嶺。冬十月。謁乾陵獵豎巫閭山。是年放進士李石等百人。八年。春正月。如春州。夏四月丙申。封高麗王俱。為三韓國公。贈其父頤。為高麗國王。五月。清暑散水原。六月壬辰。西北路招討使蕭敵里。率諸蕃來覲。丙申。射柳祈雨。壬寅。夏國王李乾順。以成安公主生子。遣使來告。丁未。如黑嶺。秋七月戊辰。以雨罷獵。冬十二月己卯。高麗遣使來謝。九年春。正月丙午朔。如鴨子河。二月。如春州。三月戊午。夏國以宋不歸地。遣使來告。夏四月壬午。五國部來貢。六月乙亥。清暑特禮嶺。秋七月。預霜傷稼。甲寅。獵于候里吉。八月丁酉。雪罷獵。冬十月癸酉。望祠木葉山。丁丑。詔免今年租稅。十二月甲申。高麗遣使來貢。是年放進士劉楨等九十人。十年春。正月辛丑。預行立春禮。如鴨子河。二月庚午朔。駐蹕大魚濼。夏四月丙子。五國部長來貢。丙戌。預行再生禮。癸巳。獵于北山。六月甲戌。清暑王丘。癸未。夏國遣李造福等來貢。甲午。阻卜來貢。秋七月辛丑。謁慶陵。閏月辛亥。謁懷陵。己未。謁祖陵。壬戌。皇太叔和魯幹薨。九月甲戌。免重九節禮。冬十

月。駐蹕藕絲淀。十二月己酉。改明年元。是歲大饑。天慶元年。春正月。鉤魚于鴨子河。二月如春州。三月乙亥。五國部長來貢。夏五月。清暑散水原。秋七月。獵。冬十月。駐蹕藕絲淀。二年春。正月己未朔。如鴨子河。丁丑。五國部長來貢。二月丁酉。如春州。幸混同江釣魚。界外生女。直酋長在千里內者。以故事皆未朝。適遇頭魚宴。酒半酣。上臨軒。命諸酋次第起舞。獨阿骨打辭以不能。諭之再三。終不從。他日上密謂樞密使蕭奉先曰。前日之燕。阿骨打意氣雄豪。顧視不常。可詎以邊事誅之。否則必貽後患。奉先曰。麗人不知禮義。無大過而殺之。恐傷向化之心。假有異志。又何能為。其弟吳乞買。結罕。胡舍等。皆從僕。能于鹿刺虎。搏熊。上喜。輒加官爵。夏六月庚寅。清暑南崖。甲午。和州回鶻來貢。戊戌。成安公主來朝。甲辰。組卜來貢。秋七月乙丑。獵南山。九月己未。射獲熊。燕群臣。上親御琵琶。初。阿骨打混同江宴歸。疑上知其異志。遂驅兵先併旁近部族。女直趙三。阿鶻產拒之。阿骨打虜其家屬二人。走訪咸州。詳穩司送北樞密院。樞密使蕭奉先作常事以聞。上仍送咸州詰責。欲使自新。後數召阿骨打竟稱疾不至。冬十月辛亥。高麗三韓國公王侯之母死。來告。即遣使致祭起復。是月。駐蹕奉聖州。十一月乙卯。幸南京。丁卯。謁太祖廟。是年放進士韓昉等七十七人。

三年春正月丙寅賜南京貧民錢丁卯如大魚樂甲戌禁僧尼破戒丙子獵狗牙山大寒獵人多死三月籍諸道戶徙大宰古山圍場地居民于別土阿骨打一日本卒五百騎突至咸州吏民大驚翌日赴詳穩司與趙三等面折庭下阿骨打不屈送所司問狀一夕遁去道人訴于上謂詳穩司欲見殺故不敢留自是召不復至夏閏四月李弘以左道聚衆爲亂支解分示五京六月乙卯降朝改國遣使來貢良犬丙辰夏國遣使來貢秋七月辛秋山九月駐蹕藕絲淀十一月甲午以三司使廣融知南院樞密使事西南面招討使蕭樂古爲南府宰相十二月庚戌高麗遣使來謝致恭癸丑回鶻遣使來貢甲寅以樞密直學士馬人望參知政事丙辰知樞密院事耶律儼亮癸亥高麗遣使來謝起復四年春正月如蘇州初女直起兵以訖石烈部人阿疎不從遣其部撤改討之阿疎弟狄故保來告詔諭使勿討不聽阿疎來奔至是女直遣使來獻不發夏五月清暑散水原秋七月女直復遣使取阿疎不發乃遣侍御阿息保問境上多建城堡之故女直以慢語答曰若還阿疎朝貢如故不然城未能已遂發渾河北諸軍益東北路統軍司阿骨打乃與弟粘罕胡舍等謀以銀术割移烈婁室闡母等爲帥集女直諸部兵擒遼澤鷹官及改寧江州東北路統軍司以聞

時上在慶州射鹿。聞之。畧不介意。遣海州刺史高仙壽。統渤海軍應援。蕭
捷不也。遇女直。戰于寧江東。敗績。十月壬寅。以守司空蕭嗣先。為東北路
都統。靜江軍節度使蕭捷不也。為副。發兵三千人。中京禁兵。及土
家二千。人。別選諸路武勇二千餘人。以虞候崔公義。為都押官。控鶴指揮
邢顯為副。引軍屯出河店。兩軍對壘。女直軍潛渡混同江。掩擊遼衆。蕭嗣
先軍潰。崔公義。邢顯。耶律佛留。蕭葛十等。死之。其獲免者。十有七人。蕭奉
先懼其弟嗣先獲罪。輒奏求征潰軍。所至刼掠。若不辟敵。恐聚為患。上從
之。嗣先但免官而已。諸軍相謂曰。戰則有死。而無功。退則有生。而無罪。故
士無鬪志。望風奔潰。十一月壬辰。都統蕭敵里等。營于幹郝樂東。又為女
直所襲。士卒死者甚衆。甲午。蕭敵里亦坐免官。辛丑。以西北路招討使耶
律幹里朵。為行軍都統。副統檢蕭乙薛。同知南院樞密使事。耶律章奴副
之。十二月咸賓祥三州。及鐵驪九菴。皆叛入女直。乙薛往援賓州。南軍諸
將實妻特烈等。往援咸州。並為女直所敗。五年春正月。下詔親征。遣僧
家奴持書約和。平阿骨打名。阿骨打遣賽剌復書。若歸叛人阿疎。還黃龍
府於別地。然後議之。都統耶律幹里朵等。與女直兵戰于達魯古城。敗績。
二月。饒州渤海古欲等反。自稱大王。三月。以蕭謝佛留等討之。遣耶律張

家奴等六人。蕭書使女直。斥其主名。冀以速降。夏四月癸丑。蕭謝佛留等。為渤海古欲所敗。以南面副部署蕭陶蘇幹為都統。赴之。五月陶蘇幹及古欲戰敗績。張家奴等。以阿骨打書來。復遣之。往。六月己亥朔。清暑持禮嶺。壬子。張家奴等還。阿骨打復書。亦斥名諭之。使降。癸丑。以親征諭詣道丙辰。陶蘇幹招復古欲等。癸亥。以楊應耶律末里為北院大王。是月遣蕭辭刺使女直。以書辭。不屈。見留。秋七月辛未。宋遣使致助軍銀絹。丙子。獵于嶺東。是月都統幹里朵等。與女直戰于白馬濼。敗績。八月甲子。罷獵。趨軍中。以幹里朵等軍敗。免官。丙寅。以圍場使阿不為中軍都統。耶律張家奴為都監。率番漢兵十萬。蕭奉先充御營都統。諸行營都部署耶律章奴為副。以精兵二萬為先鋒。餘分五部為正軍。貴族子弟千人為硬軍。扈從百司為護衛軍。北出駱駝口。以都統撻懶胡覲姑為都統。樞密直學士崇誼為副。將漢步騎三萬。南出寧江州。自長春州分道而進。發數月糧。期必滅女直。九月丁卯朔。女直軍陷黃龍府。己巳。知北院樞密使蕭得里底出為西南面招討使。辭刺還。女直復遣寨刺以書來報。若歸我。販人阿疎等。即當班師。上親征。詰罕兀末等。以書來上。陽為卑哀之辭。實欲求戰。書上。上怒。下詔有女直作惡。大軍剪除之語。女直主聚眾勞而仰天恸哭。日始

與汝等起兵。蓋苦契丹殘虐。欲自立國。今主上親征。奈何。非人死戰。莫能當也。不若殺我一族。汝等迎降。轉禍為福。諸軍皆曰。事已至此。惟命是從。乙巳。耶律章奴反奔上京。謀迎立魏國王淳。上遣騎馬蕭昱領兵詣廣平淀。護后妃行宮小底乙信持書馳報魏國王。時章奴先遣王妃親弟蕭諦里。以所謀說魏國王。王曰。此非細事。主上自有請王當立。北南而大臣不來。而汝言及此。何也。密令左右拘之。有頃。乙信等齎御札至。備言章奴等欲廢立事。魏國王立斬蕭諦里等首。以獻。單騎問道詣廣平淀。待罪。上遇之如初。章奴知魏國王不聽。率麾下掠慶饒懷祖等州。結渤海群盜。衆至數萬。趙廣平謀犯行宮。順岡女直阿鶻庭以三百騎一戰而勝。擒其貴族二百餘人。並斬首以徇。其妻子配役繡院。或散諸近侍為婢。餘得脫者皆弄女直。章奴詐為使者。欲弄女直為運者。所獲縛送行在。腰斬于市。剖其心以獻祖廟。支解以徇五路。冬十一月。遣騎馬蕭特末。林牙蕭察剌等將騎兵五萬。步卒四十萬。親軍七十萬。至駝門。十二月乙巳。耶律張家奴叛。戊申。親戰于護步谷岡。敗績。盡亡其輜重。已未。錦州刺史耶律朮者叛。張家奴。庚申。北面林牙耶律馬哥討張家奴。癸亥。以北院宣徽使蕭韓家奴知北院樞密使事。南院宣徽使蕭特末為漢人行宮都部署。六年春。

正月丙寅朔。東京夜有惡少年十餘人。乘酒執刀。踰垣入留守府。問留守
蕭保先所在。今軍變請爲備。蕭保先出。刺殺之。戶部使大公鼎聞亂。即攝
留守事。與副留守高清明。集募漢兵千人。盡捕其衆斬之。撫定其民。東京
故渤海地。太祖力戰二十餘年。乃得之。而蕭保先嚴酷。渤海苦之。故有是
變。其裨將渤海高永昌。僭號稱隆基元年。遣蕭乙薛。高興。順。招之不從。閏
月己亥。遣蕭韓家奴張琳討之。戊午。貴德州守將耶律余覲。以廣州渤海
叛。附永昌。我師擊敗之。二月戊辰。侍御史徒撻不也等。討張家奴。戰于祖
州。敗績。乙酉。遣漢人行宮都部署蕭特末。率諸將討張家奴。戊子。張家奴
誘饒州渤海。及中京賊侯鑒等萬餘人。攻陷高州。三月。東面行軍副統劉鈐
等。擒侯鑒于川州。夏四月戊辰。親征張家奴。癸酉。敗之。甲戌。誅叛黨。饒州
渤海平。丙子。賞平賊將士有差。而蕭韓家奴張琳等。復爲賊所敗。五月。清
暑散水原。女直軍攻下瀋州。復陷東京。擒高永昌。東京州縣族人。復守彈
刺。異十撻不也。道刺酬幹等十三人。皆降女直。六月乙丑。積諸路兵有雜
畜十頭以上者。皆從軍。庚辰。親國王淳。進封泰晉國王。爲都元帥。上京留
守蕭撻不也。爲契丹行宮都部署。兼副元帥。丁亥。知北院樞密使事。蕭韓
家奴爲上京留守。秋七月。獵秋山。泰州。渤海。二千餘戶。統軍使。

勒兵追及。盡得以還。八月。烏古部叛。遣中丞耶律撻不也。招之。九月丙午。謁懷陵。冬十月丁卯。以張琳軍敗。奪官。庚辰。烏古部來降。十一月。東面行軍副統馬哥等。攻曷蘇紇。敗績。十二月乙亥。封庶人蕭氏爲太皇太妃。辛巳。制副統耶律馬哥官。七年春正月甲寅。減廐馬粟。分給諸局。是月女直軍攻泰州。東北面諸軍不戰自潰。女古皮室四部。及渤海人皆降。復下泰州。二月。涑水縣賊董虎兒。聚衆萬餘。西京留守蕭乙薛。南京統軍都監查剌。與戰于易水。破之。三月。虎兒黨復聚。乙薛復擊破之。于奉聖州夏五月庚寅。東北面行軍諸將涅里合魯涅哥。虛古等。棄市。乙巳。諸圍場隙地。縱百姓獵。六月辛巳。以同知樞密院事余里也。爲北院大王。秋七月癸卯。獵秋山。八月丙寅。獵狹斯耶里山。命都元帥秦晉王。赴汾遼。會四路兵馬防秋。九月上自燕至陰涼河。置怨軍八營。募自宜州者。曰前宜後宜。自錦州者。曰前錦後錦。自乾自顯者。曰乾曰顯。又有乾顯大營。岩州營。凡二萬八千餘人。屯衛州羨慕山。丁酉。獵鞏子山。冬十月乙卯朔。至中京。十一月丙寅。都元帥秦晉國王淳。遇女直軍戰于羨慕山。敗績。女直復拔顯州旁近州郡。庚午。下詔自責。發前遣吳萬舉查剌。與大公鼎諸路募兵。丁丑。以西京留守蕭乙薛。爲北府宰相。東北路行軍都統吳霞來。知吳六部。

大王事。是歲。女直阿骨打。用鐵州楊朴策。即皇帝位。建元天輔。國號金。楊朴又言。自古英雄開國。或受禪。必先求大國封冊。遂遣使議和。以求封冊。

八年。春正月。辛酉。癸亥。遣耶律奴哥等。使金議和。庚寅。保安軍節度使張崇。以雙州二百戶降金。東路諸州盜賊蜂起。掠民自隨。以充食。二

月。耶律奴哥。還自金。金主復書曰。能以死事朕。歲貢方物。歸我上中京。與中府三路州縣。以親王公主駙馬大臣子孫為質。還我行。及元。給信符。

并密夏。高麗。住復書詔表牒。則可以如約。三月甲午。復遣奴哥使金。夏四月辛酉。以西南面招討使蕭得里底。為北院樞密使。五月壬午朔。奴哥以

書來約。不輸此月見報。戊戌。復遣奴哥使金。要以酌中之議。是月至納葛。樂。賊安生兒。張高兒。聚眾二十萬。耶律馬哥等斬生兒于龍化州。高兒亡

入懿州。與霍六哥相合。金主遣胡突密與奴哥持書報如前約。六月丁卯。遣奴哥等。齎密夏。高麗書詔表牒至金。霍六哥陷海北州。趣義州軍帥回

離保等。擊敗之。通祺雙遼四州之民。八百餘戶降于金。秋七月。獵秋山。金復遣胡突密來。免取質子。及上京與中府所屬州郡。裁減歲幣之數。如能

以死事朕。冊用漢儀。可以如約。八月庚午。遣奴哥突密。使金議冊禮。九月突密見留。遣奴哥還謂之曰。言如不從。勿復遣使。閏月丙寅。遣奴哥復使。

金而蕭寶詵里等十五人各率戶降于金。冬十月。奴哥突迷持金書來。龍化州張應古等四人率眾降金。十一月。副元帥蕭撻不也薨。十二月甲申。議定冊禮。遣奴哥便金。寧昌軍節度使劉宏以懿州戶三千降金。時山前諸路大饑。乾顯宜錦興中等路。斗粟直數緡。民削榆皮食之。既而人相食。是年。放進士王鞏等百三人。九年。春正月。金遣烏林荅贊謨持書來迎冊。二月。至鴛鴦樂。賊張徽八誘中京射糧軍僧號。南面軍帥余覲擒徽。入三月丁未朔。遣知右夷齊軍事蕭習泥烈等。冊金主為東懷國皇帝。已酉。烏林荅贊謨奴哥等。先以書報。夏五月。阻卜補疎只等叛。執招討使耶律幹里朶。都監蕭斜里得死之。秋七月。徽南山。金復遣烏林荅贊謨來責冊文。無兄事之語。不言大金而云東懷。乃小邦懷其德之義。及冊文有渠斜二字。語涉輕侮。若遇於多戰等語。皆非善意。殊乖體式。如依前書所定。然後可從。楊詢卿羅子韋率眾降金。八月。以趙王習泥烈為西京留守。九月。至西京。復遣習泥烈。楊立忠先持冊葉使金。冬十月甲戌朔。耶律陳闕奴等二十餘人謀反。伏誅。是月。遣使送烏林荅贊謨持書以還。十年。春二月。幸鴛鴦樂。金復遣烏林荅贊謨持書及冊文副本以來。仍責乞兵于高麗。三月己酉。民有群馬者。十取其一。給東路軍。庚申。以金人所定大聖二

字與先世稱號同。復遣習泥烈性議。金主怒。遂絕之。夏四月。獵胡土白山。聞金師再舉。耶律白斯不等。選精兵三千。以濟遼師。五月。金主親攻上京。先外邪。留守捷不也。率衆出降。六月乙酉。以北府宰相蕭乙薛。為上京留守。知鹽鐵。內省兩司。東北統軍司事。秋。獵沙嶺。冬。復至西京。保太元年春。正月丁酉朔。改元肆赦。初。金人與兵。郡縣所失幾半。上有四子。長趙玉。母趙昭容。次晉王。母文妃。次泰王。許王。皆元妃。金國人知晉王之賢。深所屬望。元妃之兄。樞密使蕭奉先。恐泰王不得立。潛圖之。文妃姊妹三人。長適耶律捷曷里。次文妃。次適余覲。一日。其姊若妹。俱會軍前。奉先誣人誣附馬蕭昱。及余覲等。謀立晉王。事覺。昱捷曷里等伏誅。文妃亦賜死。獨晉王未忍加罪。余覲在軍中。聞之大懼。即率千餘騎叛入金。上遣知奚王府事蕭遐買。北府宰相蕭德恭。大常衮耶律誦里姑。歸州觀察使蕭和尚奴。四軍太師蕭幹。將所部兵追之。及諸閭山縣。諸將議曰。主上信蕭奉先言。奉先視吾輩蔑如也。余覲乃宗室豪俊。常不肯為奉先下。若擒余覲。他日吾黨皆余覲也。不若縱之。還耶律誦里姑。追襲不及。奉先既見余覲之亡。恐後日諸校亦叛。遂勸驟加爵賞。以結衆心。以蕭遐買為奚王。蕭德恭。試中書門下平章事。兼判上京留守事。耶律誦里姑。為龍虎衛上將軍。蕭和尚奴。

金吾衛上將軍蕭幹鎮國大將軍。二月。幸鶯鶯澤。夏五月。至曷里城。秋七月。獵炭山。九月。至南京。冬十一月癸亥。以西京留守趙王習泥烈為惕隱。

二年春。正月乙亥。金亮中寤。遣下澤州。上出居庸關。至鶯鶯澤。聞金亮引金人婁室字董奄至。蕭奉先曰。余親乃王子班之苗裔。此來欲立甥晉王耳。若為社稷計。不惜一子。明其罪誅之。可不戰而余親自迎矣。上遂賜晉王死。素服三日。耶律撒八等皆伏誅。王素有人望。諸軍聞其死。無不流涕。由是人心解體。余親引金人逼行宮。上率衛兵五千餘騎幸雲中。遣傅國璽于奈乾河。二月庚寅朔。日有食之。既甲午。知北院大王事耶律馬哥。漢人行宮都部署蕭特末。並為都統。大和宮使耶律補得副之。將兵屯鶯鶯澤。己亥。金師敗吳王霞末于北安州。遂降其城。三月辛酉。上聞金師將出嶺西。遂趨白水澗。乙丑。群牧使漢魯幹降金。丙寅。上至女古底倉。聞金兵將近。計不知所出。乘輕騎入夾山。方悟奉先之不忠。怒曰。汝父子誤我至此。今欲誅汝。何益于事。恐軍心忿怨。爾曹避敵。苟安禍必及我。其勿從行。奉先下馬哭拜而去。行未數里。左右執其父子縛送金兵。金人斬其長子昂。以奉先及其次子昱。械送金主。道遇遼軍。奪以歸國。遂並賜死。遂樞密使蕭得里底召捷不也。典禁衛丁卯。以北院樞密副使蕭僧孝奴。知北

院樞密使事。同知北院樞密使事。蕭查剌為左夷高舉。戊辰。同知殿前點檢事耶律高八率衛士降金。己巳。僞人蕭和尚。牌印郎君耶律晒斯。為金師所獲。送京。以諸局百工多亡。凡扈從。不恨吏民。皆官之。初。詔留宰相張璪。李處溫。與秦晉國王淳。守燕。處溫聞上入火山。數日。命令不通。即與弟處能。子奭。外假怨軍。內結都統蕭幹。謀立淳。遂與諸大臣耶律大石。左企弓。虞仲文。曹勇義。康公弼。集蕃漢百官諸軍。及父老數萬人。詣淳府。處溫邀張琳至。白其事。琳曰。攝政則可。處溫曰。天意人心已定。請立班耳。處溫等請淳受禮。淳方出。李奭持鎗袍放之。令百官拜舞。山呼。淳驚駭。再三辭不獲。已而從之。以處溫守太尉。左企弓守司徒。曹勇義知樞密院事。虞仲文參知政事。張琳守太師。李處能直樞密院。李奭為少府少監。提舉翰林。醫官李奭。陳秘。十餘人。曾與大計。並賜進士及第。授官有差。蕭幹為北樞密使。駙馬都尉蕭旦。知樞密院事。改怨軍為常勝軍。於是辟故自稱天錫皇帝。改元建福。降封天祚為湘陰王。遂據有燕雲平。及上京遼西六路。天祚所有沙漠已北。西南西北路。兩都招討府。諸蕃部族而已。夏四月辛卯。西南面招討使耶律佛頂降金。雲內寧邊東勝等州。皆降。河驛為金兵所擒。金已取西京。沙漠以南。部族皆降。上遂遁於訛沙烈。時北部謨葛失。體